

УДАРНИК

Социалистической бусыосын стахановской амалын ужаса ю октон-калтонэз вакчи дырын но зечлыко быдэстом!

Агитационно-массовой ужез умой пуктоно

Районыстымы вань колхоз'ёсын ответственной но серьезной уж-юосты октон-калтон—кутскемын. Тысё юосты октон-калтонэз колхозник'ёс но колхозницаос сюлмысь дасяськыса но Куиньметй Сталинской пятилеткалэн нимыныз нимам социалистической соревнованиез паськыт вёлмытыса пумитазы. Азымынсь колхоз'ёс зег аранзэс быдтыса валэс юосты октон-калтон борды кутскизы ини.

Юосты октон-калтонэз выль зечлыкен но вакчи дырын йылпум'янын культурно-просветительной учреждениос азын бадзым задачаос сыло. Соос, асьсэ котыре активез люкаса, возглавить кароно луо социалистической соревнованиез вёлмытоно луо стахановской метод'ёсын ужан опытэз. Колхозной но бригадной борд газет'ёслы шараяллыно колхоз'ёсысь рвач'ёсты, куд'ёсыз тыршо асьсэлы гинэ трогем кыскыны, а колхозлы ожытгем сётыны. Борд газетын умой ужась стахановкаослэсь, стахановец'ёслэсь ужан методзэс возматса мукет колхозной массаос пöлын мылкыдзэ жутон, колхозын трудовой дисциплинаез умолатыны юрттон—тани борд газет'ёслэн непосредственной задачаоссы, куд'ёсыз колхозной борд газетлэн редколлегиосыныз быдэстэмын луыны кулэ. Культурно-просветительной учреждениос но бордгазет'ёс сяна юосты октон-калтонэз дыраз йылпум'яны юрттозы колхозной агитатор'ёс.

Колхозной агитаторлы бадзым уж доверить каремын. Со вань дырзэ аслэстыз колхозной массаос пöлын валэктон уж нуыса, газет'ёсысь выль ивор'ёсты лыдзыса нуоно луэ. Соны кулэ тодыны ваньзэ: мар понна сюлмасько куд колхозник'ёс но колхозницаос, кыче причинаен соос колхозной ужын ляб ужало; соны кулэ юрттыны таке колхозник'ёслы, жутыны соослэсь мылкыдзэс колхозной производствонь ужаны. Агитаторлы аслыз луыны кулэ азымынсьен, ста-

хановецэн. Колхозной парторганизацислы но комсомольской организацислы агитатор'ёсын ужаны туж бадзым саклык вис'яно. Соосын кулэ кивалтыны, ужасы юрттыны. Тая пример басытыны кулэ „Янгалиф“ колхозысь парторганизацислэсь но „Квадашур“ колхозысь первичной комсомольской организацислэсь.

Куд-ог колхоз'ёсысь агитатор'ёс но бордгазет'ёслэн редколлегиосы валазы асьсэ азын сылсь задачаосты и соосты быдэстон бордын сюлмысь ужало. „Квадашур“ колхозысь комсомолец-агитатор Беляев колхозной бусыын колхозник'ёс пöлын нуналлы быдэ валэктон уж нуэ. Озыы ик умой ужало „Горд Пельга“ колхозысь агитатор Григорьев К. но „Янгалиф“ колхозын аран дыр'я ужало колхозной но бригадной бордгазет'ёс. Умой ужало на Ст-Моньинской сельсоветысь „Красная Бобья“ колхозын бордгазет'ёс.

Пусыны кулэ луэ сое, что куд колхоз'ёсын агитационно-массовой уж уг нуиськы, агитатор'ёс но бордгазет'ёслэн редколлегиоссы бумага вылын гинэ лыд'ясько. Талы отнести карыны кулэ Ст-Моньинской сельсоветысь „Восход“ но „9-е января“ колхоз'ёсты но Ср-Кечевской сельсоветысь „Красный октябрь“ колхоззэ.

Районыстымы культурно-просветительной учреждениосын кивалтон уж самотёке леземын. Соосын кивалтымтээн колхозной клуб'ёсын но изба-читальняосын уж уг нуиськы.

Та кылем нунал'ёсы культпросветучреждениослэн уж'ёсы тупатэмын мед луозы озыы, чтобы соос мед луозы культураез пычатисен, выль урожайёсты басытон понна нюр'ясыкыны юрттисен, социалистической соревнование но стахановской амал'ёсын ужанлэн организатор'ёсыныз. Тае клуб'ёслэн но изба-читальняослэн заведующийёсылы лыдэ басытоно.

КОЛХОЗ БУСЫОСЫСЬ АЗЫМЫНСЬЕС

Пуро-Можгинской сельсоветысь „15 лет Удмуртии“ колхозысь машинаен арась Голубков Федор 4 га интые 7,5 га ара. Болотова Василиса 0,07 га интые 0,10 га етина.

Байсаров.

Та сельсоветысь ик „Виль сэрэг“ колхозысь колхозница Дядюхина Варвара но Никулина Анна 0,06 га интые 0,12 га етинало. Аран машинаен арась Кузьмин Петр 3 га интые 6 га ара.

Зайцев.

Азымынсь тракторной бригады

Гожинской МТС-ысь 10 номеро тракторной бригада тулыс ю кизён дырысен ик азымынсь бригадаен лыд'яське. Та бригада та дыре но нырысь интызэ өз сёты на. План нырысетй августы 159 процентлы быдэстэмын.

Бригадалэн бригадирез Васильев эш ас ужез борды сюлмаськыса относиться кариське.

Та бригадысь тракторист Казанцев весяк ужзэ мултэсэн быдэс'яса ужа. Аслаз сменяз Казанцев 308 га ужас ини. Умой ужало на тракторист'ёс Панкратов но Герасимов.

Бригадалэн бригадирез Васильев но учетчик Иванов ВКП(б) членэ кандидатэ пырыны дасясько.

Веретенников.

Быдэстйзы

Ст-Моньинской сельсоветысь Всесоюзной Сельскохозяйственной Выставкалэн участник'ёсыз „Красная Бобья“ но „Красная заря“ колхоз'ёс 7 август азэлы государственлы зег тырон планзэс 100 процентлы быдэстйзы.

„Красная заря“ колхоз 7 августэ зег кизёнзэ быдэстйз. В. ИСАЕВ.

Етйн звеноын

Мало-Пургинской сельсоветысь „Шор муч“ колхозысь етйнлэсь выль урожай басытон звеноен Косолева Александра Ивановна кивалтэ.

Туэ аре солэн звеноз етйн одйметр но 20 см дорозь будэмын. Солэн звеноыстыз колхозницаос етйн ишкон нормаоссэс ваньмыз ик мултэсэн быдэс'яло. Александр Ивановналэн звеноз етйнз государственлы выль зечлыко качествоен сдать карыны нюр'яське. Филимонов.

Дисциплина куашкамын

Кечурской сельсоветысь „Красный май“ колхозысь 2-тй бригадын уж нокытчы ярантэм пуктэмын.

Та бригадаын зег араны бер кутскизы. Турын турнан 10 нувал турнатэк улыз. Перевалка гырон 80 га интые 40 га гинэ быдэстэмын. 2-тй бригадалэн бригадирез Т. Савин ужзэ умоятон понна уг сюлмаськы.

Солэн кышноз колхоз уже потатэк эмезь бичаса ветлэ. Бригадын агитационно-массовой уж өвёл, бордгазет'ёс уг поттылсько.

Колхозник'ёс уж дуре 9 часын потало. Колхозлэн правлениез таке ужез тодыса но нокыче ужрад уг куты. К. Михайлов.

Пытцамской сельсоветысь колхоз'ёсын агит-массовой уж номырлы ярантэм пуктэмын. „Заря“ колхозын зег аран быдэстымтэ. Коть мар уж бере кыле. Колхозник'ёс но колхозницаос газет уг басыто. Борд газет уг поттылськы. Нокыче но валэктон уж уг нуиськы. Колхозлэн председателез Кузнецов, та уж сярсыс уг но малпа.

„Красный факел“ колхозын нуналлы быдэ 30-35 мурт уж дуре уг потало. Колхозлэн председателез Каргашин прогульщик'ёсын уг нюр'яськы. А. Хохлов.

Вунэтэмын

Ст-Моньинской сельсоветысь „Восход“ колхозын оборонно-физкультурной уж вунэтэмын. Егит'ёс пöлын оборонной значок'ёслы норма сёт'ян организовать каремын өвёл.

Мултэсэн быдэс'я

Пуро-Можгинской сельсоветысь „Виль сэрэг“ колхозын Всесоюзной Сельскохозяйственной Выставкалэн участникез комбайнер Ивакин ужа. Со ас ужас сюлмаськыса ужа, сменяз 20 га вылысь октэ-калтэ.

Зайцев.

8 август азэлы юосты октон-калтонлэн быдэсемеэс. (Процентэн вераса)

СЕЛЬСОВЕТ'ЕС	Зег аран	Етйнан
М-Пурга	73	93
Гожня	63	85
Кечур	99	87
Пытсам	100	87
Ильинск	100	100
Ст-Монья	106	71
Ср-Кечево	88	82
Аксакшур	98	90
Бураново	98	68
П-Можга	84	81
ВАНЬМЫЗ	95	86

ВКП(б) ЦК но СССР-лэн СНК-ез „1939 арын урожаяз октон-калтон но сельскохозяйственной продуктаосты дасян азэлы дасяськон сярсысь“ постановлениезы обяывать каро—„Заготовительной пункт'ёсы колхоз'ёсын но совхоз'ёсын ю тысез, подсолнухез но рисез тырмыт зечлыкоен сётонэз обеспечить кароно, со понна ю тысез туж умой сузын организовать кароно“.



Суред вылын: „Красный семенник“ колхозлэн 3-тй бригадаезлэн машинаен кутсаськон интыз тысез куастон но сузын (Славянской район, Краснодарский край).

Комсомольской организацилэн азинскемез

Бурановской сельсоветысь „Квадашур“ колхозысь комсомольской организация трос азинскиз.

Комсомольской организацилэн секретарез Байсаров, колхозын фермалэн заведующеез луыса ужа. Солэн фермаяз учет-отчетность умой пунктэмн, пудо сион кулэтэм интые расходоваться уг кариськи. Фермаин ужасьёс ваньмыз газет'ёс но журнал'ёс басьто, соосты вискарятэк лыдзыло.

Ю октон-калтонез вакчи дырын быдэстыны понна комсомолец'ёс валэктон уж нуо. Комсомолец Беляев колхозлэн агитаторез луэ. Со партилэсь но правительстволэсь постановлениоссэ, партилэн XVIII—с'ездэзлэсь матерьял'ёссэ ачиз мур-мур изучать кариз. Сое со вискарятэк колхозник'ёслы но колхозницаослы валэктэ. Со ик колхозын борд газетлэн редакторез. Ю октон-калтон кутскем дырысен 5 №-общеколхозноез но озы ик бригадойёсыз но поттылэмын.

Байсарова Вера етин звенолэн звеневодкаез луэ. Солэн звеноысьтыз ужасьёсыз тупатэм нормазэс мултэсэн быдэяло. Етинан быдтэмын. Али етинэз тышкан мынэ.

Комсомолец Яковлев—конюх луыса ужа. 1938 арын 22 маткаослэсь 21 чуньы вордыны быгатыз. Бадзым показателез понна Яковлев эш Всесоюзной Сельскохозяйственной Выставкае участникен зарегистрировать каремын.

Татын ваньмыз комсомолец'ёс 5 мурт. колхозной производстоысь умоесь егит'ёс 3 мурт комсомолэ пыртэмын луозы та нунал'ёсы.

Комсомольской организацилэн коть куд толэзы ужаны планэз вань. Та план коть ку но быдэме.

3 мурт комсомолец'ёс самостоятельно ВКП(б)-лэсь историзэ изучать каро. Кылемез „Асьмелэн родинамы“ книгаен дышетско.

Комсомолец'ёс али заем вёлдон бордын ужало. Соос асьсэос но 100 манетлы. гожтиськизы.

В. Калистратов.

Дырызлэсь азьло быдэстызы

Бурановской сельсоветысь „Ильинск“ колхозын 2 августэ 1939 арлы сельхозналоглы колхозник'ёс но колхозницаос пöлын обязательствоосты басьтэм бере ик колхозник'ёс сельхозналоглы коньдон тыризы.

Та колхозын ик куиньметй пятилеткалэн заемезлы (кыктэтй арезлэн выпускез) гожтиськем бере тросэз коньдон тыризы. **Игнатъев.**



Государстволы пунэмн

Аксакурской сельсоветысь ужасьёс куиньметй пятилеткалэн кыктэтй араз поттэм заемез шумпотонэн пумитазы. Сельсоветлэн председателез Ломагин 250 манетлы но секретарез Мишкин 200 манетлы гожтиськизы.

Кагановичлэн нимыныз нимам колхозын но заем жүгскем мылкыдын пумитамын. Колхозница Ажи-

мова А. но полеводческо^т бригадир'ёс Беляев Ал. но Поклонов П. быдэн 100 манетлы гожтиськизы.

„Удмурт коммуна“ колхозысь колхозник'ёс Волков П. но Софранов Егор быдэн 150 манетлы гожтиськизы.

Та сельвет'я 8 августлы гожтиськемын 240 мурт 14800 манетлы. **Ив. Еманов.**

Заем вёлдон

Ильинской сельсоветысь „Безбожник“ колхозын заем 3600 манетлы вёлдэмын.

Колхоз правленилэн азьло председателез (со али счетовод) Сахаров, заемлы 75 манетлы гинэ гожкиз. Соин сэрэн трос колхозник'ёс заемлы ожит гожтиськизы.

Пуро-Можгинской сельсоветысь „15 лет Удмуртии“ колхозын кык нунал куспын заемлы гожкон быдтэмын. Колхозник'ёс но колхозницаос 100 но 125 манетлы гожтиськизы. **Байсаров.**

Пытцамской сельсоветысь „Красный факел“ колхозысь, колхозлэн председателез Каргашин Куиньметй Пяти еткалэн заемезлы гожконэн уг кивалты.

Каргашин ачиз 50 манетлы гинэ гожкиз. 15 мурт заемлы чик оз гожты. Заемез вёлдыны агитбригадысь 3 мурт та колхозэ мынйз. Каргашин таосты улляны кутскиз. **М. Н.**

Айтугановлэн уж'ёсыз

Кагановичлэн нимыныз нимам колхозысь пожарной охраналэн начальникез И. Айтуганов асэ „бадзым начальникем“ ляд'яса колхозной валэз кутыса аслаз хозяйствоз гинэ ужаса улэ. Колхозной ужез ужаны уг сюлмаськы.

1-тй августэ колхозын ю октон-калтонын субботник организовать каремын вал. Айтуганов та субботнике но „бригадир оз косы“ шуыса оз ветлы, дырэз колхозной контораын орчтытйз. Айтуганов озы ик котьку но колхозной ужез яратытэк ужа. „Охрана уд сётиське“ шуыса вераське, солы нош охрана

сётэмын вал, со та охраназ ужатыны оз быгаты.

ВЛКСМ-лэн районной комитетэз Айтугановез пожарной охранаысь куштоно шуыса М-Пургинской НКВД-е ивор йз вал. Айтуганов умой ужа шуыса НКВД сое ужысьтыз куштоны оз лэзы. Айтуганов НКВД азын кылыныз гинэ умой огчитываться кариске, нош ужез солэн баёл.

Айтуганов колхоз'ёс й ветлыкуз но дырэз юыса гинэ орчтытйз.

РОМ НКВД Айтугановлэсь таце ужэз тодыса но нокыче ужрад уг куты. **Колхозник.**

Мукет странаосын

Японской авиация Чунцин вылэ налет лэсьтйз

Лондон, 4 августэ. (ТАСС). Рейтер агентстволэн корреспондентэз Чунцинысь ивортэ, что туннэ Чункина японской авиация Чунцин вылэ варварской налет лэсьтйз. Официальной даннойс'я, гожтэ корреспондент, налетын 18 самолет'ёс участвоват каризы, нош адзис'ёслэн верамзыя 27 самолет'ёс вал. Китайской зенитной артиллерия налетчик'ёсты кык пол уллялляз. Озы ке но, кöня японской самолет'ёс консульствоослэн районзы адзисы пырыны быгатыса, бомбаос уязы. Бомбардировать карыса, английской консульстволэн зданиез ол куашкамын. Французской консульстволэн но зданиез сөремын. Консульстволэн районаз ваньзэ 20 бомбаос куштэмын. Бомбаослэн осколок'ёсыныз французской консульствоын служить карисы 8 китайс'ёс ранить каремын. Английской

консульстволэн юртэныз артэ сылйсь французской консульстволэн докторезлэсь домез куашкатэмын. 4 китайской служащойёс виемын. Кöня ке бомбаос германской консульстволэн юртэз вылэ но усылйызы. Та юрт но зол куашкатэмын.

Германия войнэлы дасяське

Париж, 3 августэ (ТАСС). Табуи „Эвр“ газетын Германилэн военной дасяськем'ёсыз сарысь гож'я. Берпум нунал'ёсы, вера со, Германиян тросэз запасной сборной пунктэ мынон сарысь повес каос б'сьто. Кылярысь 14, 15, 16, августэ берлинец'ёс сюрс'ёсын вэинской частьёсы мыноно луозы. Еранденбургысь но Восточной Пруссиись крестьян'ёслы 15 августэ уржайзэс октыса быдэстыны косэмын.

И-ановлэн бригадаяз

Комсомолец — Иванов Сергей Иванович Ильинской сельсоветысь „Безбожник“ колхозын 3 тй бригадалэн бригадирез луыса ужа.

Иванов эш ас бригадаяз валэктон ужез умой пуктыз. Со аслаз бригадасытыз колхозник'ёс но колхозницаос пöлын беседаос но шара газет лыдзон'ёс орчтытйз.

Ноку но уд кылылы вал, 3-тй бригада азьмычйсь бригада шуыса. Иванов эш та бригадае бригадир луэм бере уж чутрак умойтскиз.

Бусысыны ю октон-калтон но

етинан кутскем бере 3-тй бригада колхозын котькуд бригадоослэсь азьмычйсь бригада луиз. Ивановлэн бригадаез зег аранэз но етин ишконэз колхозын нырысен быдэстыз. Солэн бригадаяз трос выль стахановец'ёс но стахановкаос будйзы.

Иванов эш аслэсьтыз тодонзэ бюджетон бордын ужа. Со „Асьмелэн родинамы“ книгаен дышетске. Котьмар ужез умой но зечлыко быдэстон понна вискарятэк нюр'яське. **Мих. Соловьев.**

Племенной пудоосты вордонэз паськытатонэ

Совет кэй союзысь рабочийёслэн, колхозной массаослэн благосостоянызын будонэз животноводческой продукт'ёсты юанэз будэтэ. Та задачаосты быдэстыны быгатэ социалистической животноводство. Кулэ луоз вераны со сярисы, что пудо йырлыдлэн племенной составез животноводческой продукцилэсь качествоз умоятонын но лыдзэ йылтонын бадзым инты басьтэ.

Если асьмеос йылэтйм породной пудоослэсь составзэ, будэтйм соослэсь кровностьэ — та и луэ что асьмеос ойг кады сюдон кутыса дасо тонна дополнительно сйл, йёл но мукет продукт'ёсты бастэм. ВКП(б) ЦК но СССР-лэн СНК-е лэн „Колхоз'ёсын общественной пудо вордонэз бюджетон ужрад'ёс сярисы“ асьсэлэн постановлениязын пусйызы, что животноводствоын основной задачан луэ пудоослэсь породностьэ умоятыса продуктивностьэс будэтэм.

Плантэк ужан но племенной ужын вредительс во вайичы солы, что тросаз колхоз'ёсын 23 порода пудоос вордиськизы. Та юртй племенной ужез луганы, а татысен жегатйз колхоз'ёсын пудоосты умоятонэз.

Со понна, чтобы сётны луонлык колхоз'ёслы но колхозник'ёслы вакчи дырын вордыны кутскыны породистой скал'ёсты, парсьёсты ыж'ёсты, кулэ зол кутскыны пудоосты метизировать карон борды. Племенной ресурс'ёслы точной учет нуытэк уз луы пудоосты ме-

тизировать каронэз планировать карыны.

Совнаркомлэн решениез'я 1939 арын 1-тй августысен 1 сентябрыз республикаамы озы ик районамы пудоослы племенной переучет орчоз. Та переучетлэн основной целеныз луэ со, чтобы шонер адзыны районын племенной ужлэь итог'ёссэ, быдтыны племенной ужысь вредительствоен. Партийной советской но комсомольской организациослэн но колхозной массаослэн юрттэменнызы та задачаез асьмеос быдэстом. Племенной пудоосты лыдэ бастон та фундамент гинэ, кудйз вылын вылы продуктивной животноводстволэн зданиез лэсьтэмын луоз. Азыланын задачамы луэ со, чтобы племенной пудоосты шонер вёлмытыны но быгатыса но зоотехнически соосты кутыны. **Вл. Булданов.**

Наградить каремын

Ст-Моньинской сельсоветысь „Восход“ колхозысь колхозниклы Куликов Александрлы 1939 арын населенилы Всесоюзной переписын сюлмысь ужамез понна УАССР-лэн Верховной Советэзлэн президиумезлэн грамотаеныз наградить каремын.

Редактор—Г.М. Иванов.

Поттась—Райисполком.